

ՃԼԵՐՔԸ / Հայ ժողովրդական հեքիաթներ, Հատոր VIII / Գուգարք (Լոռի), Լոռու բարբառ (խոսվածք)

Մի տղա ա ըլլմ, մի մեր ա ունենում: Մերը հիվանդանում ա:

Տղեն ասում ա.— Ի՞նչ ես ուզում ուտես:

Դրանք էլ էրկու եզն են ունենում:

Մերն ասում ա.— Թե եզը կմորթես, միսը կուտեմ, թե չէ էլ զադ չեմ ուտիլ:

Ասում ա.— Բա չթի վախտն ի՞նչ կանենք:— Թե ասում ա,— Աստոծ ըղորմած ա:

Եզը մորթում ա, մորն ուտացնում:

Չթի վախտը գալիս ա, ասում ա.— Բա հմի ի՞նչ անեմ, նանի՛:

Թե ասում ա.— Չութը սարքե, քե մատաղ, ինձ կլձես:

Սարքում ա, մորը տանում ա լձում:

Վարն անելու վախտը թաքավորն ըտի ֆորս անելիս ա ըլլմ:

Մի դուշ ա սպանում, իրան նոքարին ասում ա.— Հենց խրովե, որ էրի ոչ: Նոքարը խրովելիս տենում ա, որ տղեն մորը լձել ա: Միսը մտահան ա անում, ուշկը նրանց վրա գձում, էրում ա:

Թաքավորն ասում ա.— Խի՞ ես էրել:

Ասում ա.— Թաքավորն ապրած կենա, հլա տես, տղեն մորը լձել ա, ուշկս դենն էր, էնա էրեցի:

Թաքավորն ասում ա.— Գնացեք էն տղին կանչեցեք:

Կանչում են, գալիս ա կուշտը, ասում ա.— Ըմանչում չե՞ս, խի՞ ես քու մորը լձել:

Ասում ա.— Թաքավորն ապրած կենա, էրկու եզն ունեինք, մերս հիվնդացավ, ասավ.— Մի՛նը մորթե: Ես էլ խաթրիցն էլա ոչ, մորթեցի՝ կերավ, հմի տեհա որ ձմեռը սովիլ տինք, հարզն էլ մի կոնից կարալ չտենք տալ, էնա ինքն ասավ,— ինձ լձե, ես էլ լձեցի:

Թաքավորն ասում ա.— Ամոթ ա, ամոթ, մորդ վեր թող, ես մի խամ բուղա ունիմ, թե կարաս սովորեցնես, արի տար լձե: Տղին հետը տանում ա, տենում ա՝ ինչ բուղա, մի ըզագիլ բան ա: Դու մի ասիլ թաքավորը կարենալիս չի ըլում սովորեցնե:

Աղալ են անում ու բռնում: Տղեն բերում ա տուն, գոմըմը քիփիկ կապում, փորիցն էլ, պոզերիցն էլ կապում ա իրեք օր, իրեք քշեր սոված պիւմ ա: Բուղեն հնգլ-հնգլ ա ընգնում: Եղնա բերում ա մի թաս ջուր ա տալի, մի բուռը խոտ ու էն հալին բերում ա եզան հետ լձում: Քիչ-քիչ ջուրն էլա շտացնում, խոտն էլ, բուղեն սվորում ա, կուղը վրեն ա դնում ու դռները սևացնում ա:

Թաքավորն ասում ա.— Հլա էն տղին կանչեցեք գա ըստի:

Կանչում են, ասում ա.— Էդ ո՞նց արիր, որ սովըցըրիր:

Թե.— Դե, էնա սովըցրի էլի:

Դե,— ասում ա,— մի ախչիկ ունիմ, արի քի տամ իմ չխարովն էլ հրսանիք կլիս, տար քի կնիկ:

Տղեն գալիս է մորն ասում, թե.— Գնա թաքավորի աղջիկն ինձ հմար ուզի:

Մերն ասում ա.— Վո՛ւյ, մենք քյասիբ ենք, թաքավորը մեզ ախչիկ չի տալ:

Ասում ա.— Կտա՛:

Ասում ա.— Էս պտռատորված շորերով ես գնալ չեմ թաքավորից ախչիկ ուզիլ:

Էնա տղեն մոր հմար շորեր ա առնում, գուքում ա, ըղու ա անում: Մերը գնում ա, ըմանչում ա տուն մտնի, դռանը նստում ա:

Գնում են թաքավորին ասում, թե.— Մի պառավ ա էկել, դռանը նստել:

Ասում ա.— Կանչեցեք:

Տուն ա գնում, ասում ա.— Թաքավորն ապրած կենա, մի բան տիմ ասիլ, հմա ըմանչում եմ, թե ասեմ:

Թաքավորն ասըմ ա.— Ըմանչիլ մի, ասա՛ :

Ասըմ ա. —Թաքավորն ապրած կենա, իմ տղեն քու ախչիկն ուզըմ ա:

Թե ասըմ ա.— Շատ էլ լավ ա անըմ, ո՛ր օրն ուզըմ ա, թող գա տանի:

Գնըմ են ախչիկը բերըմ, ճլերք ա ըլըմ, գեղնիցը կաչըմ ա, մնըմ:

Մերը տղին ասըմ ա.— Էս ի՞նչ ա, որ բերիք:

Տղեն թե.— Բան չկա, ես դրան ճամփու կբերեմ, կհայացնեմ.

Մորն ասըմ ա.— Դրան հաց ու ջուր չտաս: Եդո ասըմ ա.— Բանն ո՞վ անի, ասըմ ա.— Ես ու դու, թե բա.— Հացն ո՞վ ուտի, թե.— Ես ու դուն:

Իրանք ուտըմ են, նրան տալիս չեն: Մի օր, երկու օր, տհենց կենըմ ա, մի օր էլ եդ ճլերքը վի ա կենըմ, իրան տակն ու դրադնին ավլըմ ա, եդ նստըմ:

Ըրիգունը մերը տղին ասըմ ա.— Դե դրան մի կտոր հաց տու, մի քիչ էլ ջուր տու:

Տալիս ա, ուտըմ ա: Էգսի օրը ախչիկը վի ա կենըմ, տան կեսն ավլըմ ա, եդ նստըմ ա:

Պառավը տղին ասըմ ա:

Տղեն ասըմ ա.— Դե մի հացի կեսը տու, մին էլ կես ստաքան ջուր տու:

Ախչիկն ասըմ ա.— Վո՛ւյ, գրողը տանի սրանց, իմ հոր տանն անբան շինիլ ամեն բան էլ ուտեի, սրանց տանը չկելը բան չեմ շինըմ, ցամաք հաց էլ չեն տալիս:

Եդի օրը վի ա կենըմ, տունն էլ ա ավլըմ, դուռն էլ: Մերն ուրախանալով տղի անգաճը բռնըմ ա:

Տղեն ասըմ ա.— Դե հմի մեզ հետ բարեբար հաց կտաս:

Դրանից եդը ախչիկը վեր ա կենըմ, տուն ու դուռը թամբզըմ, ջուրն ա գնըմ, տան բանն անըմ ա, դոչադանըմ ու շփշփըմ ա:

Օրի մի օրը թաքավորն ասըմ ա.— Էն ճլերքին տվինք էն նաչար տղին, հլա գնանք տենանք ի՞նչ դառավ:

Մի լավ խուրջին ա սարքըմ (թաքավորն ունի ո՞չ), գնըմ ա տեսութին: Ախչիկը շփշփալեն գալիս ա հոր ձիու գլուխը բռնըմ, ուրխանալով հորը վեր ա բերըմ, տուն տանըմ: Կեսուրը տանըմ ա ձին հորըքելու: Դրանք միս են ըլըմ Էփած:

Ախչիկը բերըմ ա սխտորը տալի հորը, ասըմ ա.— Կլալե՛, որ ըրիգունը քի հաց տան, թե չէ սրանք քի հաց չեն տալ:

Թաքավորը բեխի տակին ծիծաղըմ ա, կամանց-կամանց կլալըմ ա:

Կեսուրը եդ ա գալի, տենըմ ա թաքավորը սխտոր ա կլալըմ, ասըմ ա.— Վո՛ւյ, քոռանամ ես, ախչի եդ խի՞ ես սխտորը խնամուն տվել, որ կլալի:

Էնա հարսն ընդիան վեր ա ունըմ թե.— Բա չկելը բան չշինե, դուք հաց կտա՞ք, ինձ տեի՞ք:

Կեսուրն են ա խնամու ըղաքիցը վեր ա ունըմ, ինքն ա կլալըմ:

Ըրիգունը տղեն էլ գալիս ա, մի լավ քեփ ա սարքըմ, ըռավողը թաքավորն ուրխանալով գնըմ ա իրան կնգանն ասըմ.— Աչկդ լիս, մեր ախչիկն էլ էն չի:

Մերն էլ ա ուրխանըմ, գալիս են, նոր տանըմ իրանց տուն, թագա քեփ անըմ: Դուն էլ ուրխանաս, քու մուրազին հասնիս: